

## **UPRAVNI ODBOR**

Uspostavljen Zakonom o sistemu indirektnog oporezivanja  
u Bosni i Hercegovini

Sarajevo ,17.01.2006.godine  
Odluka UO – 170106/37

Na osnovu člana 14. Zakona o sistemu indirektnog oporezivanja („Službeni glasnik BiH“ broj 44/03 i 52/04), te članova 12. i 13. Zakona o uplatama na jedinstveni račun i raspodjeli prihoda ( “Službeni glasnik BiH “, br. 55/04 ), člana 11. Zakona o finansiranju institucija Bosne i Hercegovine ("Službeni glasnik BiH" br. 61/04), člana 75. Zakona o odbrani Bosne i Hercegovine ("Službeni glasnik BiH" br. 88/05), a u vezi sa Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2006. godine ("Službeni glasnik BiH" broj 2/06) Upravni odbor Uprave za indirektno oporezivanje na 52. sjednici održanoj 17.01. 2006. godine, donio je

### **ODLUKU**

#### **o privremenoj raspodjeli prihoda od indirektnih poreza sa jedinstvenog računa za 2006. godinu**

#### **I**

Prihodi od indirektnih poreza prikupljeni na jedinstveni račun Uprave za indirektno oporezivanje u januaru 2006. godine raspoređuju se na privremenoj osnovi

- na račun rezervi 10% od prikupljenih prihoda;
- za budžet Bosne i Hercegovine za finansiranje institucija Bosne i Hercegovine na osnovu iznosa budžeta Bosne i Hercegovine za 2005. godinu što na dnevnoj osnovi iznosi 978.586, 50 KM;
- za budžet Bosne i Hercegovine u svrhu privremenog finansiranja rashoda odbrane na osnovu ukupnog izdvajanja za rashode odbrane u 2005. godini iz budžeta Federacije BiH u iznosu 185,00 miliona KM i budžeta Republike Srpske 66,70 miliona KM, što na dnevnoj osnovi iznosi 979.377 KM;
- za finansiranje vanjskog duga u visini dospjelih obaveza, tako što se oduzima od udjela Federacije BiH i Republike Srpske i direktno uplaćuje u državni budžet, u skladu sa raspodjelom sredstava iz tačke II ove odluke .

#### **II**

Dio preostalog iznosa prihoda raspoređuje se i doznačava Federaciji BiH, Republici Srpskoj i Brčko Distriktu po koeficijentima raspodjele korištenim u 2005. godini u skladu sa Odlukom o načinu izračunavanja koeficijentata raspodjele (“Službeni glasnik BiH “ broj 3/05).

## III

Za udio privremeno raspoređenih prihoda u skladu sa tačkom II ove odluke izvršit će se korekcija u skladu sa Odlukom o raspodjeli prihoda koja bi se primjenjivala od 01.01.2006. godine.

## IV

Uprava za indirektno oporezivanje primijenit će odredbu stava 5. člana 12. Zakona o uplatama na jedinstveni račun i raspodjeli prihoda, po stupanju na snagu Budžeta institucija Bosne i Hercegovine i međunarodnih obaveza za 2006. godinu.

## V

Ova odluka stupa na snagu danom donošenja i primjenjivat će se do donošenja Budžeta Bosne i Hercegovine i međunarodnih obaveza za 2006. godinu., a najkasnije do 31.01.2006. godine.

Ova odluka će se objaviti u "Službenom glasniku BiH" .

Predsjednik Upravnog odbora  
Joly Dixon